

## **Survista da las decisiuns da la radunanza dals 27 november 2009**

### **Büdschet 2010**

Il büdschet preveda sortidas da 368'200.- francs ed entradas da 349'100.- francs, quai chi dà ün surplü da sortidas da 19'100.- francs. L'on chi vain ha rav. Jon Janett dabun ün congedi da perfecziunamaint da trais mais. Per quel temp rimplazza duonna rav. Marguerite Schmid-Altwegg da Cuaira ad el, quai chi chaschuna daplü cuosts da personal. L'import büdschettà es listess plü bass in congual cul quint 2008, causa cha la paja da rav. Eleonor Zumbrunn crouda davent. L'instrucziun da religiun ans cuosta daplü, pervi cha las classas ston gnir spartidas. Fin pro l'introducziun d'ün ura etica ed ün ura religiun (on da scoula 2011/2012) stuvaina far quint inavant cun deficits in nossa chascha manaja il president Jachen Erni. Il büdschet vain acceptà cun 21 vuschs schi ed üna vusch na.

### **Pè d'impostas**

Las entradas d'impostas sun calculadas plüost optimisticamaing in resguardond chi da adüna daplü glied chi's domiciliescha a Scuol. Tras quai fa quint il consistori cha las entradas nu chalan, eir schi'd es da far quint cun damain impostas causa ils müdamaints da la ledscha chantunala e causa las personas chi sortan da la baselgia. Scha'l chantun sbassa inavant las impostas stuvarana dozar l'on chi vain il pè d'impostas da baselgia. Il consistori propuona da laschar il pè d'impostas per l'on 2010 sco fin qua, nempe 13.5% da l'imposta chantunala simpla, v. d. 10,0% part corporaziun e 3,5% part baselgia chantunala. La radunanza accepta unanimamaing la proposta dal consistori.

### **Revisiun dals statüts**

Las müdadas essencias sun: s-chaffi la pussibilità da far be üna radunanza l'on; s-chaffi ün nouv möd d'invidar a las radunanzas; manar tras las tschernas per scrutin; dat la cumpetenzza al consistori da relaschar ordinaziuns e reglamaints; strichà il passus a regard fixar la paja dal ravarenda, siond cha quella vain fixada da la baselgia chantunala; strichà l'artichel 3 siond cha'l sortir da la baselgia sco eir il reentrar es reglà aint ils uordens da la baselgia chantunala; strichà l'artichel 4 regard la vendita da bains; strichà l'artichel 23 regard la baselgia da S-charl. Il statüts vegnan acceptats unanimamaing sco preschantats.

### **Elezziuns 2010 fin 2012**

Dal consistori as mettan inavant a disposiziun Jachen Erni, Flurinda Raschèr, Andrea Nogler e Michel Rauch. L'actuar Richard Marugg ha demischiunà. In sia piazza vain propuonü Peter Langenegger. Las personas preschantadas vegnan eletas unanimamaing. Sco president vain reelet Jachen Erni. Al revisorat fan part, Monica Neuhäusler-Mayer, Chasper Fried jun., sco suppleant Daniel Bulfoni ed al colloqui Flurinda Raschèr sco efectiva e Michel Rauch sco suppleant. Tuot las personas manzunadas vegnan reeletas unanimamaing.

### **Chüra d'orma**

La chüra d'orma vain reorganisada. Impustüt es previss da far viadis culs attempats, da reintrodüer ils davomezdis per senoirs cun invidar a las personas chi han quel mais cumplion e da far inavant visitas a l'ospital ed a l'asil. Implü manzuna rav. Jon Janett, cha sper las visitas spontanias ch'el fa, vegnan tuottas commembers e tuots commembers intimats d'exprimer giavüschs per visitas.

Scuol, 28 november 2009

Il consistori